

Ilisimatusarfimmi Ilinniartunik Sullissivik Sulianik Ataqatigiissaarisumik/Immikkut ilisimasalittut Siunnersortimik pissarsiorpoq

Annerusumik akisussaaffeqalernissamik ilippanaatilimmut, sulisunut aqutsinermik akisussaaffeqanngikkaluarluni sulianik ataqatigiissaarinissamik suliallu akimorlugit piginnaasavit ineriartortinnissaannik kissaateqartumut atorfik ilinnut tulluurtuuvooq. Misilittakkavit ukiut pingasut ataassimappatigit Sulianik Ataqatigiissaarisutut atorfinitsinneqassaait AC-fuldmægtigit, ukiut pingasut sinnerlugit misilittagaqaruut Immikkut Siunnersortitut atorfinitsinneqassaait. Akisussaaffeqarfigilissavatit Ilinniartunik Sullissivimmi suliami ilisimasalittut aqutsineq, suleqatit pisortarlut suleqatigalugit ulluinnarni suliarineqartartut suliaqarfigissavatit. Ilinniartunut Sullissiviup pisortaa qaninnertut pisortarissavat. Aggustip aallaaqqaataat 2026 aallarnerfigalugu isumaqatigiissuteqarnikkulluunniit piaarnerpaamik atorfinitsitsisoqarsinnaavoq. Atorfik sapaatip akunneranut akunnerni 40-ini suliffiuvoq.

Ilinniartunik Sullissivik pillugu:

Ilisimatusarfimmi Ilinniartunut Sullissivik Allaffissornikkut Aqutsisoqarfiup ataaniippoq, ilinniartunut, ilinniartitsisunut, suleqatinut, innuttaasunut aamma suleqatigisartakkanut avataaneersunut inissisimaffia pingaaruteqartorujussuuvooq. Suliaqarfiillu akimorlugit suleqataasarsinnaanissaq pisariaqarpoq. Eqimattakkaani assigiinngitsunik inuttalinni illit atuuffiit takusinnaasariaqarpat, siullertullu eqqumaffigissavat ilinniartut salliuittinneqartarmata, taakkulu pillugit maaniittugut - maaniippugut iktortissaminnik pisariaqartitsineranni sullisissallutigit.

Ilinniartunik Sullissivimmi sulisut aqqaneq marluuvugut ilinniartunut 600-ut missaaniittunut, ilinniakkani aqqaneq marlunni ilinniartunut kiffartuussissalluta.

Suliassaaraatit makkua:

- Ulluinnarni ilinniartunik Sullissivimmi ingerlatsinermi suliaqarfimmi ilisimasalittut aqutsineq
- Ilinniartut ilinniarnerisa nalaani ilinniarnissaminnilli akuerineqarneranniit ilinniakkaminnik naammassinninnissaasa tungaanut allaffissornikkut aqutsineq ataqatigiissaanerinerlu
- Naammagittaalliutinik suliaqarneq ataqatigiissaarinerlu
- Suliassaqarfinnik ineriartortitsineq allaffissornikkullu suliaqarneq
- Ilitsersuusianik suliaqarneq
- Allaffissornikkut suliaqarneq aamma ilitsersuineq ilinniartut misilitsinnerisa nalaanni, ilinniagarneriutinillu suliaqarneq, ilinniartullu angalanissaat pillugit suliaqarneq
- Suliat allat isumagalugit, allaffissornermi ingerlatsinermut ilitsersuinermullu tunngasut
- Ilinniartunut Sullissivimmi pisortaq tapersertassavat suliassatigit ineriartortitsinermi, inatsisinik nassuiaanermi, misissuinermilu il.il.
- Ilinniartunik Sullissivimmi pisortap suliaqarfiini siunnersuisarneq
- Suliassanik takkussuuttunik assigiinngitsunik suliaqarneq

Ulluinnarni qarasaasiatigit atortorissaarutini atugaaraagut: Lectio, WISEflow, It-reg aamma Mit-perspektiv. Programminik amerlanernik ataatsimilluunniit atuisinnaanissaq iluaqutaassaaq piumasaqataaangilarli.

Piginnaasat:

- Qaffasissumik ilinniagaqarsimaneq, inatsisilerinermi kandidatit ilinniagaqarsimaneq, allatigulluunniit suliamut naleqquttumik kandidatit ilinniaqarsimaneq
- Suliassanik ingerlatsinermik misilittagalik, ajornanngippat inatsisilerinerup tungaatigit aamma IT-iilerinermut tunngasutigit ilisimasaqarluarneq
- Ilitsoqussaralugu kalaallisut oqalussinnaaneq, qallunaatut tuluttullu oqalussinnaaneq
- Atorfimmut assingusumik misilittagaqarneq iluaqutaassaaq
- Systimitigit aqqissuussaannikkut piginnaasaqarluarneq
- Nammineersinnaassuseqarneq, aqqissuussaasumik ilusilersukkamillu suleriuseqarneq
- Suliassanut pitsaasumik pulalluarsinnaaneq

Atorfimmi inatsisitigut nassuiagassarpaaloqarlunilu inatsisitigullu suliassarpaaloqarpoq,

taamaamat nammineersinnaanissat inatsisinullu tunngasunik paasisimasaqartuunissat aamma aalajangigassanik nammineerlutit aalajangiisarsinnaanissat piumasagaataavoq.

Qinnuteqaat

Atorfimmut qinnuteqaat qinnuteqaasiap sanitigut makkua ilanngunneqarsimassapput:

Bilag 1: Curriculum Vitae

Bilag 2: Misilitsissimanermit uppersaatit

Bilag 3: Inuit pingasut paasisutissanik aallerfigineqarsinnaasut pillugit paasisutissat

Attaveqarfigineqarsinnaasut/paasisutissanik aallerfissat

Atorfik pillugu sukumiisumik paasisutissanik aallernissamut attaveqarfigineqarsinnaavoq Rosa Lyng Lorentzen oqarasuaammut +299 347315-imut sianernikkut. Kalaallit Nunaanni Ilisimatusarfik pillugu paasisutissat amerlanerusut ugguuna www.unil.gl pissarsiarinarneqarsinnaapput.

Atorfinitsinerup ingerlanissaa

Qinnuteqaatit tamarmik atorfinitsitsisarnermut ataatsimiititaliamit suliarineqassapput.

Qaammatini pingasuni misililluni atorfeqarneq

Uani atorfimi qaammatini pingasuni misililluni atorfinitsitsisoqassaaq.

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaaq Ilisimatusarfiup neqeroortigai diplom-imut masterimullu saniatigut ilinniarnertit. Ilisimatusarfik issittumi universitetiuvooq nunarsuup ilaani pilertortumik ineriartorfiusumi nutaanik ilisimasaqalerfiusoq nutaallorfiusorlu. Siulersuisut tassaapput Ilisimatusarfiup qullersai. Ulluinnarni aqutsineq rektorimit direktørimillu ingerlanneqarpoq. Institutit siamaasut Institutit Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- *Ilinniartitsinermik Ilisimatusarfik*
- *Inuiaqatigiilerinermik, Aningaasaqarnermik Tusagassiornermillu Ilisimatusarfik*
- *Kulturimik, Oqaatsinik Oqaluttuarisaanermillu Ilisimatusarfik*
- *Peqqissaanermik Pinngortitamillu Ilisimatusarfik*

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup direktøriani aqunneqarpoq. Allaffissornikkut aqutsisoqatigiiffik ilimmarfimi immikkoortortaqarpoq. Immikkoortortat ilinniartitsivinni ingerlatsiviusunik qanimut suleqateqartarput soorlu namminneq akunnerminni aamma suleqatigiittartut. Allaffissornikkut aqutsisoqatigiiffimi suliasat tassaapput: ilinniartut pillugit-, sulisut pillugit allaffissornikkut aqutsineq, Siulersuisunik, Akademisk Rådimit kiisalu ilimmarfimi sulisunik ilinniartunillu sullissineq. Allaffissornikkut aqutsisoqatigiiffiup ilimmarfiup illutaanik sanaartornermik nakkutiginninneq aamma ingerlataaraa.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniansinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq

Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatit kiisalu paasisutissat allat pisariaqarsinnaasut "qinnuteqaat nassiuguk" toorlugu nassiutikkut.

E-mail-ikkut qinnuteqaatinik tigusineq ajorpugut.